

**Uunga siunnersuut:****Unnuinermi akitsuut pillugu Inatsisartut inatsisaat***Akitsuut*

§ 1. Inini, ineeqqani, inissiani, illuni, containerini najugaqarfinni, illuaqqani, tuperni akissarsissutigalugu unnuinermi akitsuummik akiliisoqassaaq.

*Imm. 2.* Inuk nunatsinni najugaqanngitsoq, ataasiugaangat akitsuut 30 koruuniussaaq.

*Imm. 3.* Imm. 1-imi unnuinermik taaneqartumik akiliisitsilluni neqerooruteqartoq, inatsit una naapertorlugu akitsuummik akiliisussaataitaavoq.

*Imm. 4.* Inuit nunatsinni najugallit, akitsuummik akiliisussaataitaasup apeqquteqarneratigut uppersaammik pisariaqartumik takutitsinissamut pisussaataitaapput.

§ 2. Akitsuummik akiliisussap akiliutissamik akiliisitsinerup ilutigisaanik, akitsuut akileqquneqassaaq.

*Ilaatinneqanngitsut*

§ 3. § 1 tulliuttuni atuutissanngilaq:

- 1) Akitsuummik akiliisussap piffissamut akitsuusiiffiusumut tamakkiisumik akitsuummik akiliutaa 600 koruuninit ikinnerusimappata.
- 2) Inummut suliffeqarfimmulluunniit ataasiinnarmut attartortitsinermi, attartorneq unnunik 21-nik tulleriinnik sivisunerusimappat.
- 3) Angallassisup silap ajornera, teknikikkut unammilligassaqarneq assigisaannilluunniit patsiseqartumik inuk illusisippagu, angallassisullu unnuinermut aningaasartuut akilerpagu.

*Imm. 2.* Imm. 1, nr. 2-mi ilaatitsinnginneq suliffeqarfinnut attartortitsinermi atuutinngilaq matumani angalatitsiviit, angalanernik aaqqissuisartut il.il. attartortitseqqiisartut imaluunniit inunnut unnuiffissanik arlaatigut paasissutisseqqittartut ilanngullugit, matumani inuk imaluunniit inuit inimik il.il. atuisut unnunik 21-nik tulleriinnik sivisunerusumik unnuisimangippata.

*Aqutsineq*

§ 4. Piffissaq akitsuusiiffik tassaavoq qaammatit pingasukkaat.

*Imm. 2.* Piffissap akitsuusiiffiup kingorna qaammatip tulliuttup ulluisa aallaqqaataanni akitsuut akilerneqassaaq, qaammatip akiliiffissap qaangiuttup kingorna qaammatip ulluisa aallaqqaataat eqqorlugu kingusinnerpaamik akiliuteqartoqassalluni. Ulloq akiliiffissaq eqqortoq arfininngorneruppat, sapaataappat nalliuttuuppalluunniit piffissarititaasoq ulluinnarmut tullermut sivitsorneqassaaq.

15. august 2024

*Imm. 3.* Akileraartarnermut ingerlatsivimmut akiliuteqartoqassaaq.

**§ 5.** Akitsuummik akiliisussaatitaasut piffissap akitsuusiiffiusup qaangiunnerata kingorna aamma kingusinnerpaamik qaammatip tulliuuttup ulluisa qulinganni paasissutissat nassiutissavai, taakku akileraartarnermut ingerlatsiviup innersuussinera malillugu akileraartarnermut ingerlatsivimmut akitsuummik akiliisussaatitaasup kinaassusersinissaanut, qaammammi ataatsimi unnuinerit amerlassusiinut, inuit qassiunerinut akitsuutillu annertussusianik paasiniaanermut atorneqassapput. Paasissutissanik nassiussinissamut piffissaliussaq kingulleq arfininngorneruppat, sapaataappat nalliuttuuppalluunniit piffissaliussaq ulluinnarmut tulliuuttumut sivitsorneqassaaq.

*Imm. 2.* Nassiussinermi immersugassat akileraartarnermut ingerlatsiviup suliarinikuusai, matumani digitalisut ilusillit ilanngullugit, atorneqassapput.

*Imm. 3.* Akileraartarnermut Aqutsiveqarfik naatsorsueqqissaarnissamik siunertamut atugassanik paasissutissanik amerlanerusunik pissarsiniarsinnaavoq, matumani ilaatigut akitsuummik akiliisussap piginnaassusia aamma unnuisut nuna najugaat.

**§ 6.** Neqerooruteqartartumut piffissaq eqqorlugu akiliisimanngitsumut Akileraartarnermut ingerlatsivik peqqusisinnaavoq, qaammatinit pingasunit sivikinnerusumik nalunaarsuineramik tunniusseqqullugu. Taamatut pisoqartillugu aningaasat § 3, imm. 1, nr. 1-imi taaneqartut piffissamut sivikillissamut naapertuuttumik appartinneqartassapput.

*Imm. 2.* Taamatuttaaq neqerooruteqartumut piffissaq eqqorlugu akiliinngitsumut Akileraartarnermut ingerlatsivik peqqusisinnaavoq, akiliinissamut piffissaliussaminngarnit § 4, imm. 2-mi taaneqartuminngarnit akiliinissamut piffissaliussaq sivikinnerussasoq.

**§ 7.** Akitsuummik akiliisussaq paasissutissanik eqqunngitsunik nassiussisimasoq taamaalillunilu akitsuummut ikippallaanik akiliisimasoq paasineqassagaluarpat, aningaasat akiitsukkat kingusinnerpaamik ullut 14-it qaangiunneranni akilerneqassasut piunasaqaatigineqassapput, akiligassanik kingusinaartumik akiliinermi ernialiusaasinnaasut ilanngullugit.

*Imm. 2.* Akitsuummik akiliisussaq akitsuummut amerlavallaartunik akiliisimasoq paasineqarpat, aningaasat 300 koruunimik amerlanerusimappata utertillugit tunniunneqassapput.

#### *Akitsuummik kommunit atuinerat*

**§ 8.** Akitsuummut akiliutigineqartut kommunini ataasiakkaani unnuinernik nalunaarsorneqartut amerlassusaannut sanilliullugit kommunit akornanni agguaanneqartassapput.

*Imm. 2.* Unnuinertut nalunaarsorneqartut amerlassusaat ukiumi ulloq 31. december akileraartarnermut ingerlatsivimmit naatsorsorneqartassapput.

UKA 2024/12

AN – Suliap nr. 2023 – 29559

15. august 2024

*Imm. 3.* Akileraartarnermut ingerlatsiviup ukiup siuliini akitsuutit ukiup tulluuttup naamissaa sioqqullugu kommuninut akilertassavai. Aaqquissuussinermik allaffissornikkut aqutsinermut aningaasartuutitut matussutitut, ukiumut akiliutit katillugit 300.000 kr-nik appartinneqartassapput.

*Imm. 4.* Najukkami nunallu immikkoortuani takornariaqarnerup inerisarneranut unnuinermut akitsuummit isertitat kommunit taamaallaat atortassavaat, matumani sumiiffimmi takornariat amerleriarneranni kingunerisinnaasat pitsaanngitsut millisinnissaat ilanngullugu.

*Imm. 5.* Akitsuummit isertitat aamma aningaasartuutit akitsuummut matussusiisut, kommunip naatsorsuutaani allassimassapput.

#### *Allaffissornikkut najoqqutassiat*

**§ 9.** Naalakkersuisut inatsimmik uannga ingerlatsinissaq pillugu erseqqinnerusunik maleruagassiorsinnaapput, matumani akitsuummik akiliisussap paasissutissanik nalunaaruteqarnissaa ilanngullugu.

*Imm. 2.* Naalakkersuisut uppersaasatit, taakku nuutinnerinik akitsuummik akiliisussap toqqortarinninnissamut pisussaaffii aamma akitsuummik akiliisussamut illuutunik attartortitsisoq pillugu paasissutissiisussaataitanera pillugit maleruagassanik aalajangersaasinnaapput.

*Imm. 3.* Naalakkersuisut akitsuummik akilersinneqarnikuusumit isertitanit kommunit atuisarnerat aamma naatsorsuutit tunniussisussaaneq pillugu maleruagassanik aalajangersaasinnaapput, § 8, imm. 4-5 naapertorlugit.

#### *Pineqaatissiisutit*

**§ 10.** Inuk akiligassiisummik pineqaatissinneqassaaq, piaaraluni imaluunniit sakkortuumik mianersuaalliorluni:

- 1) paasissutissanik eqqunngitsunik imaluunniit salluliuutit tunniussisoq imaluunniit akitsuutit naatsorsuinermit tassanngalu nakkutilliinermut atugassanik paasissutissanik nipangiusseqqasoq, § 5, imm. 1 imaluunniit
- 2) akileraartarnermut ingerlatsivimmu akitsuutit aningaasartaannik taggissanik ikinaarilluni nalunaarutiginninngitsoortoq, missiliuussinikkut akitsuutit annertussusaannik taggissanik nalunaarfigineqareernermit kingorna kingusinnerpaamik sapaatit akunneri 4-t qaangiutsinnagit.

15. august 2024

*Imm. 2.* Maleruagassiani, inatsisit una naapertorlugu saqqummiunneqartuni, inummut maleruagassiani aalajangersakkanik piaaraluni imaluunniit mianersuaalliorluni unioqutitsisumut akiliisitsinissaq aalajangersarneqarsinnaavoq.

*Imm. 3.* Ingerlatseqatigiiffiit il.il. (inatsisitigut pisinnaatitaasoq pisussaataasorlu) Kalaallit Nunaanni pinerluttulerinermut inatsimmi kapitali 5-imi malittarisassat malillugit pinerluttulerinikkut akisussaatinneqarsinnaapput.

**§ 11.** Naalackersuisut naalackersuisulluunniit pisinnaatitaasoq, Inatsisartut inatsisaanni matumani aalajangersakkanik unioqutitsisoq nalunaarfigisinnaavaat, suliaq eqqartuussivikkoortumik malersuinertaqanngitsumik aalajangiiffigineqarsinnaasoq, pineqartoq unioqutitsinermi pisuusutut nassuerpat aamma piffissaliussap erseqqinnerusumik nalunaarneqartup qinnuteqarnikkut sivitsorneqarsinnaasup nallinnginnerani nalunaarpat, akiligassiissummik taaneqartumik nassuerutigineqartumik akiliumappat.

*Imm. 2.* Nassuernermet imm. 1-imi taaneqartumut tunngatillugu, Kalaallit Nunaanni eqqartuussisarnermet inatsimmi kapitali 38-mi maleruagassat, unnerluussutip imarisaaniittut taamaaqataanik atuutissapput.

*Imm. 3.* Akitsuut piffissaq eqqorlugu akilerneqassaaq, imaluunniit akuersissuteqarnerup kingorna akilersinneqarsimappat, malersueqqinnissaq atorunnaassaaq.

**§ 12.** § 10 imaluunniit § 11 malillugu akiligassiissutigineqartut Nunatta Karsianut nakkartinneqartassapput.

#### *Atuutilersitsineq*

**§ 13.** Inatsisartut inatsisaat ulloq 1. januar 2026-mi atuutilerpoq aamma ulloq taanna aallarnerfigalugu unnuinernut pissalluni.

*Namminersorlutik Oqartussat, ulloq xx. xxx 2024*

Naalackersuisut Siulittaasuat